

卷 一

太祖皇帝微时 尝被酒 入南京高辛庙 香案有竹杯筊 因取以占己之名位。以一俯一仰为圣筊。自小校而上至节度使 一一掷之 皆不应。忽曰：“过是则为天子乎？”一掷而得圣筊。天命岂不素定矣哉 晏元献 为留守^④ 题庙中诗 所谓“庚庚大横兆^⑤ 馨咳^⑥如有闻”盖记是也。

【注】

被酒：犹中酒。即醉酒。

杯 筊(jiǎo)：占卜吉凶之器，剖竹为之。

晏元献：即晏殊。谥“元献”。

留守：官名，皇帝出巡时的京都以及陪都、行都均设此官。

庚庚：坚强的样子。大横：卦名。

⑥馨咳(qīng kài)：咳嗽。

太祖英武大度 初取僭伪诸国 皆无甚难之意。将伐蜀 命建第五百间于右掖门之前 下

临汴水，曰：“吾闻孟昶族属多，无使有不足。”昶既俘，即以赐之。召李煜入朝，复命作礼贤宅于州南，略与昶等。尝亲幸视役，以煜江南嘉山水，令大作园池，导惠民河水注之。会煜称疾，钱俶^②先请觐，即以赐俶。二居壮丽，制度略侔宫室^③。是时，诸国皆如在掌握间矣。昶居后为尚书都省，俶居至钱思公惟演^④，亦归有司，以为冀公宫锡庆院，今太学其故地也。

【注】

僭伪诸国：指五代时的十国，诸如后蜀、南唐等。

钱俶：十国时吴越国主，宋太宗时纳土称臣。

制度略侔（móu）宫室：侔，齐等。规模大致与皇宫相当。

钱思公惟演：即钱惟演，钱俶之子，谥“思”。

汉凡王宫，皆曰“禁中”；后以元后父名禁^①，遂改“禁”为“省”。唐以前，天子之命通称“诏”，武后名“照”，遂改“诏”为“制”。肃、代^②后，集贤院有待制之名，即汉东方朔之徒所谓“待诏金马门”者也。京师大内，梁氏建国，止以为建昌宫，本唐宣武节度治所，未暇增大也。后唐庄宗迁洛，复废以为宣武军。晋天福中，因高祖临幸，更号大宁宫，今新城是也。

其增展外罗城 盖周世宗^⑥始为之。

【注】

元后父名禁：汉孝元帝后，王莽之姑，汉成帝之母。其父为王禁。

②肃、代：指唐肃宗李亨、唐代宗李豫。

集贤院：集贤殿书院，隶中书省，掌刊籍经史。

梁氏建国：指后梁朱全忠建都开封。他本为唐朝宣武节度使。

晋天福中，因高祖临幸：晋，指五代时后晋。天福，为后晋高宗石敬瑭年号。临幸，指帝王驾到。

⑥周世宗：后周世宗柴荣。

太祖建隆 初 以大内制度 草创 乃诏图洛阳宫殿 展皇城东北隅 以铁骑都尉李怀义与中贵人董役 按图营建。初命怀义等 凡诸门与殿须相望 无得辄差 故垂拱、福宁、柔仪、清居四殿正重 而左右掖与升龙、银台等诸门皆然，惟大庆殿与端门少差尔。宫成 太祖坐福宁寝殿，令辟门前后 召近臣入观。谕曰：“我心端直正如此 有少偏曲处 汝曹必见之矣！”群臣皆再拜。后虽尝经火屡修 率不敢易其故处矣。

【注】

建隆：宋太祖初即位时年号。建隆元年为公元 960

年。

②大内制度：皇宫的规模、法度。

太宗即位 尊孝章皇后 为开宝皇后 移居东宫 而不建名。真宗尊明德太后 ② 始名所居殿曰“嘉庆”。后中书门下请为皇太后建宫立名，于是诏筑宫曰“万安”。明肃太后既临朝 ③，不筑宫，止名所居殿曰“会庆”。明肃上仙，遗诏进太妃杨氏为皇太后 ④，乃名所居为“保庆”，号保庆太后。治平 慈圣宫曰“慈寿”，元祐宣仁宫曰“崇庆”，建中钦圣宫曰“慈德” ⑥，皆遵用万安故事也。崇宁初 元符太后 ⑦ 官称“崇恩”，盖进太后故礼加于开宝云。

【注】

孝章皇后：指宋太祖继后，宋偁之长女。

明德太后：即明德李皇后，宋太宗继后。

明肃太后既临朝：宋仁宗年幼，宋真宗后章献明肃刘后垂帘听政。

上仙：死亡的婉语。

遗诏进太妃杨氏为皇太后：宋仁宗本李宸妃子，在襁褓中为刘后所取，以为己子，使杨淑妃即“太妃杨氏”保育之。

⑥慈圣、宣仁、钦圣：指宋仁宗慈圣光献曹后、宋英宗宣仁圣烈高后、宋神宗钦圣献肃向后。

⑦元符太后：指宋哲宗昭怀刘后。

崇政殿即旧讲武殿 惟国忌^①前一日 及军头司引见，呈试武艺人。吏部引改官人，即常朝 退 少顷 以衫帽再坐。忌前则服淡黄衫皂带 自延和殿出 降阶由庭中步至 不乘辇 遇雨 然后行西廊。皆祖宗之旧也。从官 独二史^④得入侍。旧制不甚大。崇宁初 始徙向后数十步，因增旧制 发旧基 正中得玉斧 大七八寸 玉色如截肪 两旁碾波涛戏龙 文如屈发 制作极工妙。余为左史时每见之。盖古殿其下必有宝器为之镇。今乘舆行幸 最近驾前所持玉斧是也。

【注】

国忌：帝王死亡的日子。

常朝：宋制，文武百官每日在文德殿参拜皇帝，叫常朝。

从官：在皇帝身边的官员，如常侍、侍中等。

二史：官名。古以左史记言，右史记事。后以门下省之起居郎为左史，中书省之起居舍人为右史。

东华门直北有东向门 西与内东门相直 俗谓之諛门 而无榜。张平子^① 《东京赋》所谓“諛门曲榭”者也。薛综注：“諛 曲屈斜行 依城池为道。”《集韵》：“諛字或作 蓐。”以为宫室相连之称。今循东华门墙而北转 东面为北门，亦

可谓斜行依墙矣。凡宫禁之言 相承必皆有自也。

【注】

张平子：即张衡，东汉人，字平子。

启圣禅院 太宗降诞之地 太平兴国中既建为寺 以奉太宗福御^①。太祖降诞于西京^② 山子营 久失其处。真宗朝尝遣人访之。或以骠胜营旁马廐隙地有二冈隐起为是。复即其地建应天禅院 以奉太祖。天圣中 明肃欲置真宗神御其间，而难于遗太宗^③，因以殿后斋宫并置二殿，曰“三圣殿”。庆历中 始名太祖殿曰“兴先” 太宗曰“帝华” 真宗曰“昭考”。

【注】

神御：帝王画像。

西京：指洛阳。

难于遗太宗：遗，弃。难以弃置太宗的神御。

琼林苑、金明池、宜春苑、玉津园 谓之四园。琼林苑 乾德中置。太平兴国中 复凿金明池于苑北 导金水河水注之 以教神卫、虎翼水军习舟楫 因为水嬉。宜春苑本秦悼王^②园，因以皇城宜春旧苑为富国仓 遂迁于此。玉津园

则五代之旧也。今惟琼林、金明最盛。岁以二月开命士庶纵观，谓之“开池”。至上巳，车驾临幸，毕即闭。岁赐二府^③从官燕^④，及进士闻喜燕，皆在其间。金明水战不复习，而诸军犹为鬼神戏，谓之“旱教”。玉津半以种麦，每仲夏，驾幸观刈麦。自仁宗后，亦不复讲矣。惟契丹赐射为故事。宜春俗但称庶人园，以秦王故也^⑤，荒废殆不复治。祖宗不崇园池之观，前代未有也。

【注】

神卫、虎翼：均为禁军侍卫司所属诸军之一。

②秦悼王：秦王赵光美（赵廷美），宋太祖、宋太宗之弟，谥“悼”。

二府：宋以掌管军事的枢密院与掌管政务的中书省共同行使最高军政大权，并称为“二府”。

燕：通“宴”，酒宴。

以秦王故也：秦王坐谋反，被宋太宗废。

太祖尝问赵中令^①：“礼何以男子跪拜，而妇人不跪？”赵不能对。询遍礼官，皆无知者。王贻孙，祁公溥之子也^②，为言古诗“长跪问故夫”，即妇人亦跪也。则天时，妇人始拜而不跪，因以大和中张建章《渤海国记》所载为证。赵大赏。天圣初，明肃太后垂帘，欲被袞冕^③，亲祠南

郊^④大臣争莫能得。薛简肃公^⑤问：“即服袞冕，陛下当为男子拜乎？妇人拜乎？”议遂格^⑥。礼九拜，虽男子亦不跪。貽孙之言盖陋矣。简肃亦适幸其言偶中，使当时有以貽孙所陈密启者，则亦无及矣。然天下至今服简肃之抗论也。

【注】

赵中令：即传“半部《论语》佐天下”之赵普，时为中书令，即中书省长官，宰相之职。

②祁公溥之子：祁国公王溥之长子，学识渊博。

被袞冕：穿帝王的衣冠。

南郊：冬至日于南郊天坛祭天。

薛简肃公：即薛奎，谥“简肃”。

⑥格：纠正。按《宋史》言薛奎之议，太后终不见听。

母后加谥自东汉始。本朝后谥，初止二字。明道中，以章献明肃尝临朝，特加四字。至元丰中，庆寿太皇太后^①上仙，章子厚^②为谥议请于朝，诏以太皇太后功德盛大，四字犹惧未尽，始仍故事，遂谥“慈圣光献”。自是“宣仁圣烈”与“钦圣宪肃”皆四字云^③。

【注】

庆寿太皇太后：宋仁宗曹后在宋神宗年间居庆寿宫，故名。

②章子厚：即章惇，字子厚。

皆四字云：宣仁高后，钦圣向后均分别在宋哲宗时宋徽宗时听政

熙宁末年旱，诏议改元。执政^①初拟“大成”神宗曰：“不可！”成，字于文，一人负戈。”继又拟“丰亨”复曰：“不可！”亨，字为子不成，惟“丰”字可用。改元丰。

【注】

执政：宋代之制，以枢密院使、中书侍郎、参知政事、尚书左右丞等官为“执政”。

范鲁公质、王祁公溥皆周朝旧相^①。太祖受禅^②时，质年四十四，溥四十二，在位俱二年。质罢八年薨，溥二十年薨。雍容禅代之际，疑间不生，虽二人各有贤德，然太祖保全大臣，亦前代所未有也。质性本忤急，好面折^③人过，然以廉介自居，未尝营生事，四方馈献皆不纳。太宗尝论前宰相，以质循规矩、慎名器^④、持廉节为称。溥宽厚，喜荐导后进。罢相时，其父尚无恙，犹常执子弟之礼不废。貽永尚，太宗女，乃其子也。

【注】

周朝旧相：五代后周的丞相。

②太祖受禅：后周恭帝禅位于赵匡胤。

面折：当面指责人的过失。

名器：名号与车服。等级的标志。

⑤尚：匹配皇家的女儿。

张伯玉皇祐间为侍御史 时陈恭公^①当国。伯玉首言天下未治 未得真相故也 由是忤 恭公。仁宗时眷恭公厚 不得已出伯玉知太平州，然亦惜其去 密使小黄门谕旨劳之 曰：“闻卿贫 无虑 朕当为卿治装。”翌日 中旨三司赐钱五万 恭公犹执以为无例。上曰：“吾业已许之矣。”卒赐之。祖宗爱惜财用如此，又见所以奖励言官之意也。

【注】

陈恭公：即陈执中，谥“恭”。

②忤：得罪。

明肃太后上徽号^①初 欲御天安殿 即今大庆殿也。王沂公^②争之 乃改御文德殿。元祐初，宣仁太后受册^③ 有司援文德故事为请 宣仁不许，令学士院降诏。苏子瞻当制，颇斥天圣之制^④ 犹以御文德为非是。既进本 宣仁批出曰：“如此是彰先姑 之失 可别作一意 但言吾德薄 不敢比方前人。”闻者无不畏服。是岁 册礼

止御崇政殿。

【注】

明肃太后上徽号：宋真宗崩，刘皇后被尊为皇太后。

②王沂公：即王曾，封沂国公。

宣仁太后受册：被册为太皇太后。

天圣之制：天圣为宋仁宗初即位时年号，时明肃刘太后听政。

⑤先姑：宣仁为宋英宗之皇后，故称宋真宗刘后“先姑”。

韩魏公^①为英宗山陵使^②。是时两宫尝为近侍奸人所间。一日侵夜，忽有中使^④持帘帷御封^⑤至，魏公持之久不发，忽自起赴烛焚之。使者惊，曰：“有事当别论奏，安可辄焚御笔？”公曰：“此某事，非使人之罪也，归但以此奏知。”卒焚之。有顷，外传有中使再至，公亟出迎问故。曰：“得旨，追前使人取御封。”公曰：“不发焚之矣。”二使归报，慈圣太后叹息曰：“韩琦终见事远，有断。”

【注】

韩魏公：即韩琦，封魏国公。其时为宋仁宗而非宋英宗山陵使。

山陵使：主管帝王陵墓修建的官员。

两宫：指宋英宗与宋仁宗曹后。宋英宗乃濮王子，非宋仁宗所出。

中使：宦官。

⑤帘帷御封：宫闱中的信件。指曹太后的密信。

大辽国信书式 前称月日 大宋皇帝谨致书于大辽国徽号皇帝阙下 入辞 次具使副 全衔，称今差某官充某事国信使副 有少礼物 具诸别幅 奉书陈贺不宣 谨白 其辞率不过八句。回书其前式同 后具所来使衔 称今某官等回 专奉书陈谢不宣 谨白 不具副使衔 辞亦不过八句。元祐间 宣仁太后临朝 别遣太后使副以皇帝书达意 式皆如前 但云‘今差某官充太皇太后某使’尔。贺书亦如之。

【注】

使副：正使与副使。

元祐间，宣仁太后临朝：元祐为宋哲宗初即位年号，时年尚幼，祖母高后听政。

元祐垂帘 吕司空晦叔 当国^②。元日 欲率群臣以天圣故事 请太后同御殿 行庆会称贺之礼。宣仁谦避不从 止令候皇帝御殿礼毕 百官内东门拜表而已。苏子容^③ 当制^④ 作手诏云：“顾惟菲凉 岂敢比隆于先后 其在典法 亦当几

合于前规。”是岁进《春帖子》 其一篇云：“上寿春朝近外廷 诏恩不许会公卿。即时二史书谦德 只使群官进姓名。”

【注】

吕司空晦叔：即吕公著，字晦叔。

当国：执掌权柄。

苏子容：即苏颂，字子容。

当制：知制诰之职份，负责起草皇帝的命令。

国朝 典礼 初循用唐《开元礼》 旧书一百五十卷。太祖开宝中 始命刘温叟、卢多逊、扈蒙三人 补辑遗逸 通以今事 为《开宝通礼》二百卷 又《义纂》一百卷 以发明其旨 且依《开元礼》 设科取士。嘉祐初 欧阳文忠公^②知太常礼院 复请续编 以姚辟、苏洵掌其事 为《太常因革礼》一百卷 议者病其太简。元丰中，苏子容复议 以《开宝通礼》及近岁详定礼文，分有司、仪注、沿革为三门 为《元丰新礼》 不及行。至大观中始修之 郑达夫^③主其事。然时无知礼旧人 书成颇多抵牾^④ 后亦废。

【注】

国朝 古称本朝为“国朝”。

②欧阳文忠公：即欧阳修，谥“文忠”。

郑达夫：即郑居中，字达夫。

抵牾：抵触。

士大夫家庙 自唐以后不复讲。庆历元年郊祀 赦 听^②文武官皆立庙 然朝廷未尝讨论立为制度，无所遵守，故久之不克 行。皇祐二年，初祀明堂^④ 宋莒公 为相 乃始请下礼官定义。于是请平章事^⑥ 以上立四庙 东宫少保^⑦ 以上立三庙 而其详皆不尽见。文潞公^⑧ 为平章事 首请立庙于洛 终无所考据 不敢轻作。至和初知长安 因得唐杜祐^⑨ 旧庙于曲江 犹是当时旧制，一堂四室 旁为两翼。嘉祐初 遂仿为之。两庑之前，又加以门，以其东庑藏祭器，西庑藏家牒^⑩。祊^⑪ 在中门之右 省牲展饌涤濯等在中门之左。别为外门 置庖厨于中门外之东南。堂中分四室 用晋荀安昌公故事 作神板而不为主^⑫。唐周元阳《祀录》以元日、寒食、秋分、冬夏至为四时祭之节。前祭皆一日致斋 在洛则以是祭，或在他处则奉神板自随 仿古诸侯载迁主之义。公元丰间始致仕^⑬ 归洛 前此在洛无几 则庙不免犹虚设 乃知古今异制 终不可尽行也。

【注】

郊祀：古祭礼，在郊外祭天地。

②听：听任，任凭

克：能。

明堂：皇帝祭祀天地大神及先祖的地方，用以宣明政教，凡朝会等大典均于其中举行。

宋莒公：即宋庠，封莒国公。

⑥平章事：相当于宰相。

⑦东宫少保：东宫，指太子。少保为太子的辅臣之一，宋为虚衔加官。

⑧文潞公：即文彦博，封潞国公。

⑨杜佑：唐朝宰相。作《通典》。

⑩家牒：家谱。

⑪祊（bēng）：宗庙内设祭的地方。

⑫主：即神主，古时为已死的君主、诸侯所作牌位，以木、石制成。

⑬致仕：交还官职，辞官。

父没称“皇考”于《礼》本无见^①。《王制》言“天子五庙，曰考庙、王考庙、皇考庙、显考庙、祖考庙。则皇考者，曾祖之称也。自屈原《离骚》称“联皇考曰伯庸”则以皇考为父。故晋司马为《燕王告祔庙》^②文，称“敢昭告于皇考清惠亭侯”后世遂因不改。汉议宣帝父称^③，蔡义初请谥为悼，曰悼太子，魏相以为宜称尊号曰皇考。则皇考乃尊号之称，非后世所得通用。然沿习已久，虽儒者亦不能自异也。

【注】

于《礼》本无见：不见载录于《礼记》。

②祔庙：新死者附祭于先祖宗庙。

汉议宣帝父称：汉宣帝为汉武帝戾（卫）太子之孙，其父亦随戾太子遇难。宣帝流离民间，后被迎立。

治平中 议濮安懿王称号^①，学士王禹玉、中丞吕献可、谏官范景仁、司马君实^②等皆谓宜称皇伯 此固显然不可。欧阳永叔 为参政 尤诋之。五代史书追尊皇伯宗儒为宋州刺史 所以深著其说。然遂欲称考^④ 则不免有两统贰父之嫌 故议者纷然久不决。慈圣光献太后内出手诏，令称“亲”。当时言官亦力争而止 以诸侯入继，古未有也。自汉宣帝以来始见之。魏相^⑤以为宜称皇考 此固亡乎《礼》之礼 而哀帝称定陶王为恭皇 安帝称清河王为孝德皇 则甚矣。礼以王以皇以显冠考 犹是尊称 若举谥而加皇 乃帝号 既不足辨父子 子而爵父 此正礼之所禁也。曾子固^⑥尝著议 以为父没之通称 施于为人后之义为无嫌 此盖附永叔之意。当时群议既不决 故仍旧 但称濮安懿王 盖难之也。

【注】

议濮安懿王称号：宋仁宗无子，立濮王子为后，是

为宋英宗。对于濮王之称谓，其时一派主称“皇伯”，一派主称“皇考”

②王禹玉、吕献可、范景仁、司马君实：即王珪，字禹玉；吕海，字献可；范镇，字景仁；司马光，字君实。

欧阳永叔：即欧阳修，字永叔。

考：父死称“考”。

魏相：汉昭帝、汉宣帝时名宰相。

⑥曾子固：即曾巩，字子固。

景德、皇祐、治平 天下财赋岁入皆一亿万以上 岁费亦一亿万以上 出入略相当。景德官一万余员 皇祐、治平 加二万余员 景德郊费六百万 皇祐、治平加一千万以上 二者皆倍于景德。元丰②中 曾子固尝请欲推考所从来 悉为裁损 使岁入如皇祐、治平 而禄吏奉郊之费同景德 止二者所省已半。以类推之 岁入以亿万为率 岁但省三之一 则三十年当有九亿万，遂可以为十五年之蓄。议格不行。此虽论其大约，未必尽然 要之言节用 似当略仿此 可以得实效 愈于毛举目前琐碎 徒为裁减之名 而讫不能行也。

【注】

景德、皇祐、治平：分别为宋真宗、宗仁宗、宋英宗年号。